

No tin mucho cambio den e resultado oficial di eleccion

ORANJESTAD – Presidente di Consejo Electoral Sr. Hubert Maduro ta bisa cu e boluntarionan na tur e stemdistrictnan a haci un tremendo trabou. E conteo e votamento e bos di pueblo a resona danki na un team grandi cu a haci nan maximo esfuerso. Tanten cu no tin un votamento electronico, e posibilidad t'ey pa haci eror humano. E porcentahe di voto invalido ta e mesun cantidad di porcentahe full rond di Aruba.

Tin diferente conteo un di nan ta cuanto voto ta wordo considera dañá y ora un a haya stembiljet nobo. Prome cu bo haya un nobo e ta haya un stempel riba dje cu e no por wordo uza. Awor si compara e resultado duna no oficial cu esun cu tin oficial tin e minimo di coreccion. Segun Maduro ta den Parlamento mes nan tin cu tuma e decision pa cambia e votacion electronico. Alabes si drecha e sistema di vota cu papel mester tene na cuenta cu pa drecha cualkier cos e ta costa. E prijs di material di e programacion di e mashin awendia ta mucho mas faborabel. Mester wak cu si keda sin uza un mashin 4 aña e ta bira bieu. Pa conclui Sr. Maduro ta enfatisa cu no tin mucho cambio di locual a wordo publica e ultimo biaha. □

